

2007120022
0000

Skúlatúni 2
105 Reykjavík

Reykjavík, 14. mars 2008

**Efni: Hallsvegur-Úlfarsfellsvegur ásamt gatnamótum við Vesturlandsveg í Reykjavík.
Ákvörðun um tillögu að matsáætlun.**

Í samræmi við 8. gr. laga nr. 106/2000 m.s.b. um mat á umhverfisáhrifum er hér kynnt niðurstaða Skipulagsstofnunar um tillögu Reykjavíkurborgar og Vegagerðarinnar að matsáætlun um Hallsveg-Úlfarsfellsveg ásamt gatnamótum við Vesturlandsveg.

Skipulagsstofnun barst með bréfi Reykjavíkurborgar og Vegagerðarinnar dags. 28. desember 2007 tillaga þeirra að matsáætlun:

Hallsvegur-Úlfarsfellsvegur ásamt gatnamótum við Vesturlandsveg. Reykjavíkurborg og Vegagerðin. VSÓ-ráðgjöf. Desember 2007.

Skipulagsstofnun leitaði umsagnar um tillögu framkvæmdaraðila hjá eftirtöldum aðilum í samræmi við 8. gr. laga um mat á umhverfisáhrifum: Reykjavíkurborg, Fornleifavernd ríkisins, veiðimálastjórn Matvælastofnunar, Umhverfissviði Reykjavíkurborgar og Umhverfisstofnun. Skipulagsstofnun kynnti tillöguna einnig með fréttatilkynningu og á heimasíðu stofnunarinnar.

Skipulagsstofnun bárust umsagnir og athugasemdir frá eftirtöldum aðilum: Fornleifavernd ríkisins með bréfi dags. 18. janúar 2008, Umhverfis- og samgöngusviði Reykjavíkurborgar með bréfi dags. 17. janúar 2008, Umhverfisstofnun með bréfi dags. 24. janúar 2008 og veiðimálastjórn Matvælastofnunar með bréfi dags. 7. janúar 2008. Ekki barst umsögn frá Reykjavíkurborg. Einnig bárust athugasemdir frá Jóni H. Sigurðssyni og Gunnari H. Sigurðssyni f.h. íbúa við Garðhús. Skipulagsstofnun bárust einnig frekari upplýsingar frá framkvæmdaraðila í kjölfar umsagna og athugasemdar með bréfi dags. 5. mars 2008.

NIÐURSTAÐA SKIPULAGSSTOFNUNAR

Í samræmi við 8. gr. laga um mat á umhverfisáhrifum hefur Skipulagsstofnun farið yfir

framlagða tillögu Reykjavíkurborgar og Vegagerðarinnar að matsáætlun ásamt þeim umsögnum og athugasemdum sem borist hafa stofnuninni. Skipulagsstofnun fellst á tillögu framkvæmdaraðila að matsáætlun með þeim viðbótum sem koma fram í bréfi Reykjavíkurborgar og Vegagerðarinnar dags. 5. mars 2008 og með eftirfarandi athugasemdum.

Umfang og áherslur mats á umhverfisáhrifum

Menningarminjar. Á bls. 14 í kafla 5.7 í tillögu að matsáætlun er fjallað um menningarminjar. Skipulagsstofnun tekur undir ábendingar Fornleifaverndar ríkisins og telur að í frummatsskýrslu verði að sýna nákvæma staðsetningu fornleifa á korti eða loftmynd ásamt fyrirhuguðu áhrifasvæði framkvæmdarinnar svo að auðveldar sé að gera sér grein fyrir áhrifum framkvæmdarinnar á einstaka fornleifar. Jafnframt ber að gera grein fyrir mótvægisáðgerðum til að draga úr eða koma í veg fyrir neikvæð áhrif á menningarminjar.

Hljóðvist. Á bls. 13 í kafla 5.2 í tillögu að matsáætlun er fjallað um hljóðvist. Skipulagsstofnun telur nauðsynlegt að í frummatsskýrslu verði birt dynlínukort þar sem fram kemur hvernig hljóðstig með og án mótvægisáðgerða verði háttað við núverandi og fyrirhugaða byggð skv. aðalskipulagi. Reynist hljóðstig neðan viðmiðunarmarka árið 2024 telur Skipulagsstofnun það fullnægjandi en ef sýnt þykir að hljóðstig fari yfir viðmiðunarmörk árið 2024 þarf að gera grein fyrir hvenær þurfi að grípa til mótvægisáðgerða og hverjar þær verði. Annað tveggja þarf að koma fram, áætluð umferð þegar viðmiðunarmörkum er náð eða hvaða ár megi búast við að það verði.

Umferð. Á bls. 6 í kafla 3.1 í tillögu að matsáætlun er fjallað um forsendur framkvæmdarinnar. Skipulagsstofnun telur í ljósi forsögu Hallsvegar að fjalla verði um áhrif framkvæmdanna á umferð á Hallsvegi milli Víkurvegar og Fjallkonuvegar.

Kostir og tímasetning framkvæmda. Skipulagsstofnun telur í ljósi athugasemda að í frummatsskýrslu verði að gera grein fyrir umhverfisáhrifum núllkosta sem og þeim umhverfisáhrifum ef framkvæmdum við Hallsveg verði frestað þar til lokið hefur verið við gerð Sundabrautar.

Deiliskipulag stofnbrautar. Skipulagsstofnun bendir á að nauðsynlegt er að vinna deiliskipulag af stofnbrautum í þéttbýli.

Póroddur F. Póroddsson

Sigurður Ásbjörnsson

Samrit: Vegagerðin
Fylgiskjöl: Afrit umsagna

Afrit: Reykjavíkurborg, Fornleifavernd ríkisins, Jón H. Sigurðsson og Gunnar H. Sigurðsson, veiðimálastjórn Matvælastofnunar, Umhverfissvið Reykjavíkurborgar, Umhverfisstofnun og VSÓ-ráðgjöf.

